

KOD KONDWIT

PUMA respekte bann drwa bann zom. Sa respe-la montre nou langazman anver bann konpani ar ki nou travay ek anver nou bann partner depi koumansman ziska lafin lasenn distribision. PUMA respekte lanvironnman. Nou finn pran desizyon pou zer, diminie ek rann kont linpakt nou lorganizasion ek nou lasenn distribision lor lanvironnman.

LATITID ANVER BANN ANPLWAYE

Bann revander ek zot soutretan bizin adopte ek swiv bann reg ek bann kondision travay ki respekte bann travayer, e, omwin, prezerv zot drwa dapre lalwa nasional ek internasional lor travay e sekirite sosial.

INTERDIKSION FER ZANFAN TRAVAY

Bann revander ek zot soutretan pa gagn drwa anplway zanfan mwins ki 15-an, ou ki pli zenn ki laz minimum legal lokal, ou ki laz obligatwar pou fini lekol, laz pli vie-la parmi le trwa ki konte.

ENN LANVIRONNMAN TRAVAY SIR

Bann revander ek zot soutretan bizin ofer tou zot bann anplwaye enn lanvironnman travay sir e izienik. Bann revander ek zot soutretan bizin pran tou bann prekosion posib pou evit bann aksidan dan travay, e zot bizin fer an-sort ki bann anplwaye konn ek swiv bann bon praktik konsernan lasante ek sekirite dan travay.

LIBERTE REGROUPE EK NEGOSIASION KOLEKTIF

Bann revander ek zot soutretan pa gagn drwa anpes zot anplwaye rant dan sindika ni dan bann lasosiasion profesyonel ou ki konsern lindistri, ni anpes zot regroupe pou negosie. Sa bann drwa-la bizin aki san okenn arselman, inzerans ni reprezay.

OKENN DISKRIMINASON

Bann revander ek zot soutretan pa gagn drwa fer diskriminasion parmi zot bann anplwaye. Fode zot tret zot bann anplwaye ek respe e egalite malgre zot relizyon, laz, sex, ansint, leta matrimonial, andikap, nasionalite, ras, lorizinn etnik, lopinion politik ou lorientasion sexiel.

PRATIK KOMERSIAL ETIK

PUMA SE pa pou toler koripsion ni dan lasenn distribision ni dan so lorganizasion.

Sa de langazman-la finn exprime piblikman e de fason transparan dan Kod Kondwit PUMA. Tou nou bann anplwaye, revander ek zot soutretan bizin respekte sa Kod Kondwit-la dan so totalite. Anka diferan oubien konfli, regleman pli inportan-la ki aplike.

DIGNITE EK RESPE

PUMA napa toler nonpli arselman, pinision korporel ek violans fizik, sexiel, psikolojik ou verbal dan so lasenn distribision. Bann revander ek zot soutretan pa gagn drwa servi okenn travay forse, dedan ena fer prizonie travay, fer sign kontrat pou boukou banane ou pran dimounn kouma lesklav.

SALER EKITAB

Tou travayer ena drwa gagn enn saler pou enn semenn travay normal, ase pou ki li kapav viv desaman ar sa kas-la ek enn konpansasion inpe plis ki minimum pou li kapav depanse. Bann anplwayer bizin pey omwin saler minimum ou saler legal aproprie, seki pli ot-la ki gagn priorite, dapre bann lalwa existan lor saler, e fourni lezot prestasion ki lalwa oubien kontra finn prevwar. Si bann travayer pa gagn ase pou viv ek enn minimum esansiel e depans inpe plis, sak anplwayer bizin konsilte bann interese pou get ar zot ki bizin fer pou ki ofir-amezir bann anplwaye kapav gagn enn saler konvenab.

KANTITE LER TRAVAY LIMITE

Bann revander ek zot soutretan pa gagn drwa obliz zot anplwaye travay plis ki ler normal ek ler siplemanter legal pandan enn semenn. Zot bizin respekte lalwa travay lokal. Normalman, fode pa ki travay depas 48-er par semenn ek fode travayer gagn enn zour konze toule set zour. Amwin enn levennman apar deroule, fode pa ler normal ek ler siplemanter pandan enn semenn depas 60-er antou. Bann ler siplemanter bizin volonter e reminere plis ki ler normal, e fode pa li ariv souvan.






RESPE LANVIRONNMAN

Bann revander ek zot soutretan bizin respekte lalwa lokal lor proteksion lanvironnman ou bann norm internasional dan lindistri, seki pli inportan-la ki prevalwar. Ofir-amezir, tou bann revander ek zot soutretan bizin mezir ek redwir zot linpakt lor lanvironnman.

REZION

TELEFONN

LANGAZ

Lazi Sid-Es	+84 989385612 +628 11 227 2143	
Lazi Sid	+880 1708469256	
Lazi Les	+86 13622884924	
Lamerik	+503 77871132	
Lerop, Mwayin-Orian ek Lafrik	+49 15114743876 +90 532 483 6685	

Bann revander ek zot soutretan aksepte ki PUMA verifie an-detay zot praktik komersial. Tou bann soutretan bizin gagn lotorizasion PUMA et sak revander bizin verifie ki zot soutretan respekte sa Kod Kondwit-la.

PUMA SE kapav aret travay ek enn konpani si li trouve ki sa konpani-la pa swiv sa Kod Kondwit-la.

Ou kapav kontakte sustain@puma.com ou lekip lokal devlopman dirab PUMA si ou ena kik kestion, konplint ek sigzestion konsernan sa kod-la ek so aplikasion.